


Σ VIII. 44.

155995

Σ

Biblioteka Jagiellońska



stdr0002699




587324

Mag. St. Dr.

Σ VIII. 44.

1825

Theology paper



SYNODUS PROVINCIALIS,

Sub

Illustrissimo & Reverendissimo Domino


D. JOANNE
W E Z Y K,

DEI & Apostolicæ Sedis Gratia,
ARCHIEPISCOPO GNESNENSI,
Legato Nato, Regni Poloniæ Primate, &
Primo PRINCIPE,

V A R S A V I Æ.

*Anno Domini, Millesimo, Sexcentesimo, Trigesimo
Quarto, Die decimâtertiâ, Mensis Novembris*

Celebrata.



C R A C O V I Æ.

*In Officina Andreæ Petricovij, S. R. M. Typographi
Anno Domini, M.DC.XXXVI.*

VRBANVS PP. VIII.

Ad perpetuam rei memoriam.

Militantis Ecclesiæ regimini, nullis licet nostris suffragantibus meritis, Divinâ dispensatione præpositi, ex injecti Nobis muneris debito, felici, prosperoq; Ecclesiarum quarumlibet statui, & directioni, sedulo intendimus, atq; hæc, quæ propterea, præsertim per earundem Ecclesiarum Præsules, piæ, & providè facta fuisse comperimus, ut firma perpetuò subsistant, inviolateq; observentur, Apostolicæ nostræ Confirmationis munimine roboramus; prout ad Divini cultûs, & Catholicæ Religionis incrementum, animarumque Christi fidelium salutem conspiciamus in Domino salubriter expedire. Cùm itaq; sicut ex literis Venerabilis Fratris JOANNIS, Archiepiscopi Gnesnensis per dilectum filium Stanislaum Zychowicz, J. U. D. Archidiaconum Calissiensensem, & Præpositum Ravensem, Oppidorum, seu locorum dictæ Gnesnæ: seu alterius Dioec: à Clero Regni Poloniæ ad Nos pro præsentî confirmatione obtinenda missum, accepimus, ipse Anno proximè præterito, M.DC.XXXIV. Synodum Provinciale celebraverit, in ipsaq; Synodo nonnulla Decreta, quæ à Venerabilibus Fratribus Nostris, S. R. E. Cardinalibus, Sacri Concilii Tridentini Interpretibus, jussu Nostro accuratè perlecta, & recognita, ac ubi opus fuit emendata sunt, condita fuerint: Nos egregiam ipsius JOANNIS Archiepiscopi, & Venerabilium

¶ Fra-

Fratrum Episcoporum Comprovincialium suorum pietatem, & Catholicæ Religionis zelum, ac in Nos, & hanc Sanctam Sedem, devotionem summoperè commendantes, & communi in illa Provincia eorum Decretorum observationi, quantum cum Domino possumus, consulere volentes: Synodi præfatæ, quam eidem JOANNI remittimus, Statuta, sic ut præfertur, recognita, & emendata ab omnibus & singulis personis Ecclesiasticis, tam Sæcularibus, quàm cujusvis Ordinis Regularibus, ac aliis in dignitate Ecclesiastica constitutis, ad quos quomodolibet spectat, inviolabiliter observari præcipimus & mandamus. Declarantes, ut quæ obtinenda sunt à Nobis, pro non appositis, & ab eisdem Cardinalibus non approbatis, habeantur, nulliusq; effectus & roboris existant, nisi & donec cum effectu à Nobis obtineantur: eundem verò JOANNEM Archiepiscopum, & Episcopos Comprovinciales suos præfatos hortamur in Domino, & attentè monemus, ut Decreta præfata, juxta eorum formam & tenorem, in suis Diocesis publicent, & illa publicari, atq; ab omnibus & singulis dictæ Provinciæ personis, Sæcularibus & Regularibus, aliisq; præfatis, in omnibus, & per omnia integrè, ac sub sententiis, censuris, & poenis in eis forsan contentis, recipi, admitti, observari præstari, & debitæ executioni demandari faciant. Decernentes neminem ab eorum observatione, quovis prætextu & causa se excusare debere: ac irritum & inane, si secus super his à quoquàm quavis authoritate, scienter, vel

ignoranter contigerit attentari. In contrarium facien-
tibus, non obstantibus quibuscunq;. Datum Romæ
apud Sanctam Mariam Majorem, sub Annulo Piscato-
ris, Die XX. Septembris, M.DC.XXX.V. Pontificatus
Nostri Anno Decimotertiô.

M. A. Maraldus.

Litera Eminentissimi Cardinalis Verospii.

PERillustres ac Reverendissime Domine, uti Frater, Provinci-
alem Synodum ab Amplitudine Vestra, cum Comprovinci-
alibus Episcopis, ac de eorum consilio & assensu, novissimè
celebratam, & Constitutiones in ipsa Synodo conditas, & ad
Sanctissimum Dominum Nostrium missas, Eminentissimi Car-
dinales Decretis Sacri Concilii Tridenti interpretandis præ-
fecti, ex munere injuncto, & speciali suæ Sanctitatis jussu, di-
ligenter recognoverunt, atq; aliquibus emendatis, Amplitud-
inæ Vestræ, & DD. Episcoporum, qui interfuerunt, pietatem, re-
ligionem, devotamq; in Sanctam Sedem Apostolicam obser-
vantiam, maximè laudantes, approbaverunt. Nunc verò ean-
dem Synodum, & Constitutiones ita approbatas, & emenda-
tas, R. D. Stanislao Zychowicz, Calissiensis Archidiacono, qui
eas exhibuit, ad Amplitudinem Vestram perferendas damus,
ut eo modo, quo tam Synodum, quam ipsas Constitutiones
receperit, pro istorum populorum salute, & Ecclesiasticæ di-
scipline conservatione, in sua Ecclesia, totaq; Provincia, omni-
nò observandas curet; ut eximie suæ, & Suffraganeorum in-
dustriæ, piq; laboris fructus, quos sibi initio proposuerunt,
Deo auctore percipiat. Quod ut cumulatè fiat, Divinam Cle-
mentiam enixè rogamus, ut Amplitudinem Vestram diu inco-
lumem servare, suaq; gratiæ donis magis quotidie roborare
digneatur. Romæ Die 20. Octobris 1635.

Amplit: V. Perillustres ac Rndmæ
uti Fr: studiosissimus

Fr: Cardinalis Verospius.

F. Paulucius S.C.C. Secret:

à tergo

Perillustri ac Reverendiss: Domino, D.

Fratri Archiepiscopo Gnesnensi.

PRo debito ergo officii nostri hortamur, non solum
Primatiali & Metropolitanâ, sed etiam Apo-
stolicâ auctoritate, omnes & singulos Regni Polonia,
& Magni Ducatus Lithuania, cujuscunq; status &
dignitatis, Nobis subjectos, ut ejusdem Synodi Con-
stitutiones, & Decreta, prompto animo suscipiant.
Illusterrimos quoq; Dominos Episcopos fraterne requi-
rimus, ut eas in suis Diœcesibus publicari, & ab
omnibus quàm diligentissimè observari curent, pro
suo Pastoralis Officio, & Provinciae Nostrae utilitate.
Et quoniam Brevis certa, Ecclesias, Statumq; &
Ordinem nostrum concernen: è Romana Curia sunt
Nobis presentata, ea ad calcem presentis Synodi ad-
jungi mandavimus. Datum Lovicii, Die XXVI.
Mensis Martii. Anno Domini, Millesimò, Sexcen-
tesimò, Trigesimò Sexto.

ACTA

A C T A
&
C O N S T I T U T I O N E S
Synodi Provincialis
G N E S N E N S I S,

*In Ecclesia Collegiata S. Joannis Baptista, Varsavia, die Luna, XIII.
Mensis Novembris, & duobus sequentibus, Anno M.DC.XXXIV,
Celebratae.*

P R A E S I D E N T E.

Illustrissimo & Reverendissimo D. D. JOANNE WEZYK,
DEI & Apostolicæ Sedis Gratia Archiepiscopo Gnesnensi,
Legato Nato Regni Poloniae Primatæ, Primoq; Principe.
Præsentibus ibidem Illustrissimis DD. STANISLAO GRO-
CHOWSKI, Archiepiscopo Leopoliensi, MATHIA LUBIEN-
SKI, Vladislaviensi, & Poneraniæ, STANISLAO LUBIENSKI
Plocensi, PAULO PIASECKI Canonicensi, Episcopis: JOSE-
PHO VILHELMO RUDZKI, Ritus Graeci Episcopo, sive Me-
tropolita Kijoviensi. Illustribus quoq; & Adm: Reveren: DD.
Simone Koludzki, Cancellario Gnesn: Custode Plocen: Crac:
Vladislav: Canonico, S.R.M. Secretario, pro Serenissimo Prin-
cipe Poloniae, & Sveciae, Joanne Alberto S.R.E. Cardinali,
Episcopatus Cracoviensis Administratore perpetuo, Alberto
Zabinski Cantore Vilnensi, pro suo Illustrissimo D. Abrahamo
Woyna Episcopo, ac pro Venerabili Capitulo. Stanislae Loza
Episcopo Argiven: Suffraganeo, Decano, Vicario in Spiritua-
libus & Officiali Generali Luceorien: pro Illustrissimo D. Epi-
scopo Boguslae Boxa Radoszowski, ac suo Venerabili Capi-
tulo, Joanne Grabowiecki Canonico Posnaniensi, & Præpo-
sito Sochaczoviensi, pro Illustriss: D. Henrico Firley, Episcopo
Præmysliensi, Georgio Alexandro Dorpowski, J.U.D. Cano-
nico

nico Culmensi, pro Illustriss: D. Episcopo Jacobo Zadzik, Re-
 gni Cancellario, ac suo Venerabili Capitulo. Mathzo Babino-
 wski, J. U. D. Canonico Samogitiæ, pro Illustriss: D. Episcopo
 Georgio Tyszkiewicz, ac suo Venerabili Capitulo. Joanne
 Salin, Canonico & Officiali Chelmensi, pro Illustriss: D. Epi-
 scopo, Remigio Koniecpolski, ac suo Venerabili Capitulo,
 Nuntiis. Neenon Ecclesiarum Metropolitana, & Cathedrali-
 um, Procuratoribus & Mandatariis, Joanne Krzeczewski Ar-
 chidiacono Gnesnensi, Lanciciensi, & Stanislaw Sławinski
 Gnesnensi, Posnaniensi, Lanciciensiq; Canoniceis: Stanislaw
 Stamierowski Decano Leopoliensi, Joanne Foxio J. U. D. Ar-
 chidiacono, Laurentio Starczewski Custode Cracoviensi, Chri-
 stophoro Charbicki Præposito, & Paulo Piaſecki Archidiacono
 Vladislaviensi, Rndmo D. Joanne Baykowski, Episcopo
 Ennen: Suffraganeoq; ac Sede vacante Administratore Episco-
 patûs Posnaniensis, & Joanne Branecki Archidiacono Peczovi-
 ensi, Magno Niewski Cantore & Officiali Præmysliensi, pro
 suis Capitulis. Reverendissimis quoq; DD. Abbatibus, & Præ-
 positis, Joanne Madalinski Lendensi, Joanne Grabinski Oli-
 vensi, Leonardo Rebowski Peplinen: Thobia Małachowski,
 Paradisiensi, Abbatibus. Chrysoſtomo Gorazdowski Jezovien:
 Samuele Sierakowski Strzelcensi, Alberto Słupski Płocensi,
 Præpositis: aliis deniq; plurimis Sæcularibus & Regularibus
 Clericis.

De Doctrina Christiana.

C A P U T I.

Cum ex præscripto Sacrorum Canonum, & præcipue Sacro
 sancti Concilii Tridentini, omnes Synodi Provinciales à
 professione Fidei Catholicæ, sine qua impossibile est placere
 DEO, inchoari debeant, & soleant: Ideirco hortatur Synodus
 omnes Illustrissimos Dominos Episcopos, ut Synodorum, ac
 præsertim postremæ, sub Tit: *De Professione Fidei, & Doctrina
 Christiana*, Decretum in viridi observantia conservent, & per
 Parochos omnino ad executionem, non solum in Villis, sed
 etiam in Oppidis deduci curent; cum id sit ad rudiores
 in Fide

in Fide instituendos necessarium, & necessitate medi ad salutem, & præcepti: ad quem effectum petetur Confraternitas à Sancta Sede Apostolica, & ejus exemplum ex Italia afferri curabitur. Edictum quoq; contra Biblia Gedani Lingva Polonica impressa, à Sede Apostolica, probatum, in omnibus Diocesisibus publicetur, & ad executionem deducatur. Cujus exemplum hic inferere Synodo placuit, tenoris talis.

Edictum, prohibens lectionem Bibliorum, Gedani nuper impressorum.
JOANNES WĘZYK, DEI & Apostolicæ Sedis Gratia, Archiepiscopus Gnesnensis, Legatus Natus, Regni Poloniae Primas,
& Primus Princeps.

Clero, populoq; Diocesis & Provincia nostra, Regni Poloniae & Magni Ducatus Lithvania, salutem in Domino sempiternam.

SALVATOR & DEUS Noster Christus JESUS, fundans, & constituens Ecclesiam suam, cum qua usq; ad consummationem sæculi se futurum promisit, præter Sacramenta novæ legis, & gubernationem Spiritus Sancti, per Principem Apostolorum Petrum (pro cuius fide, ut non deficeret, oravit) & illius Successores, Sacram quoq; Scripturam Novi & Veteris Testamenti, tanquam Doctrinæ Cœlestis fontem, & Cœlestis depositum, custodiendum, servandumq; in ea reliquit. Cujus quidem Cœlestis Depositum, tanta semper in Ecclesia Catholica fuit majestas, & reverentia, ut illius custodia non nisi ad Episcopos, tanquam ad Apostolorum successores, & Ecclesiæ Pastores pertinuerit; neminiq; præter Ecclesiæ Romanæ auctoritatem, licuerit Sacram Scripturam interpretari, vel ex uno sermone in alium, transferre. Si enim in Veteri Testamento Ozias Rex leprâ à DEO percussus fuit, quod thuris adolendi ministerium sibi usurpasset; eidemq; Azarias Sacerdos una cum 80. Viris fortissimis in faciem restitit, dixitq;: *Non est tui officii Ozia, ut adoleas incensum, sed Sacerdotum hoc est filiorum Aaron, qui consecrati sunt ad hujusmodi ministerium:* multo magis in Novo Testamento, in quo Salvator Apostolis suis, & eorum Successoribus, Evangelium prædicare, & docere omnes gentes mandavit, illisq;

solis

solis nosse mysteria Regni, cæteris verò in parabolis concessit;
 Scripturæ Særæ custodia, & interpretatio, ad Ecclesiam, ejusq;
 Pastores & Episcopos, ex ipsa Christi institutione, Apostolorumque doctrina & traditione, pertinere dignoscitur; ut merito Paulus Apostolus Doctor Gentium, Thimotheum Episcopum, & in ipso omnium gentium futuros Episcopos monuerit, ut Depositum, Sacram nimirum Scripturam, custodiat; devitans prophanas vocum novitates, & oppositiones falsi nominis scientiæ. Cumq; lex depositi sit, ut idem numero reddatur; ut si aurum accepisti, aurum reddas, ne plumbum, ne æramenta supponas: providendum est Episcopis, ut sacrum hoc depositum Scripturæ Særæ, & Legis Divinæ, argentum & aurum igne examinatum, imò super aurum & lapidem pretiosum multum, pretiosius, illibatum custodiant, servant, & præstent: exemploq; S. Basilii Episcopi, qui Præfesto Valentis Imperatoris Arriani, sibi svadenti, ut Imperatori in nonnullis cederet, respondit; ipsi quoq; pari libertate & animo, ijs qui Scripturæ interpretandi potestatem sibi arrogant, respondeant: *Qui Divinis sunt enutriti eloquiis, corrumpi de Divinis dogmatibus nec ullam syllabam patiuntur: sed pro ijs, si ita oporteat, omnes mortis species amplectuntur.* Intellexit nimirum dudum humani generis, hostis nullâ re facilius depravatione Scripturæ Særæ, Hæresumq; incrementa se consequi posse, quàm si libertatem induceret cuivis ex suo sensu Sacram Scripturam, vel interpretandi, vel in alienam linguam sermonemvè transferendi: ac propterea à secunda ferè ætate Ecclesiæ, Anno nimirum Centesimo Vigesimo quinto, post Ascensionem Christi in Cælum, Aquilam virum excelso ingenio, ac propterea elato animo, excitaverat, qui Bibliorum ex Hebræo in Græcam linguam translationem, (quam Septuaginta Interpretum vocant,) Annis fermè Trecentis ante natum Salvatorem factam, animadvertens eam Christum verum Messiam Patribus promissum confirmare, in dubium vocaret: ejus perversum exemplum, cum postea consequentibus temporibus plures secuti fuissent, passimq; omnes licere sibi existimarent ex proprio sensu Scripturam,

Sacram ex una lingua in aliam transferre, eoq; jam ventum
esset, ut in re tam sacrâ & certâ, nulla penè esset certitudo,
gravissima sacrorum Canonum, & Oecumenicorum Concilio-
rum, ac postremo Sacri Concilii Tridentini, cui etiam Regni
nostri Oratores interfuerunt, autoritate provisum fuit, Vere-
rem & vulgatam, ac à tot sæculis in Ecclesia receptam, &
approbatam, Bibliorum ex Hebræa & Græca in Latinam lin-
guam translationem, præ cæteris pro Sacra & Canonica ha-
bendam, & recipiendam: eamq; in rem contra Typographos,
qui sine licentia Superiorum Ecclesiasticorum Scripturæ Sacræ
libros imprimere, aut venales habere auderent, pœna anathe-
matis & pecuniæ, dudum in Concilio Lateranensi statuta, re-
novata fuit. Quæ cum ita se habeant, miramur sanè, & gra-
viter dolemus, Biblia Sacra, sine licentia, & approbatione S.
Sedis Apostolicæ, in linguam Polonicam versa, Gedani Anno
1633. in Officina Andreæ Hunefeldi impressa, palam circum-
ferri. In quorum versione, & libri aliquot Sacræ Scripturæ ex
industria sunt omitti, illi præsertim, ex quibus adversa Ortho-
doxæ fidei doctrina convellitur; atq; ipsa translatio Polonici
idiomatis, cum vulgatâ Latinâ collata, multis in locis depra-
vata cernitur, ut ex collatione Hebræicæ, Græcæ, & Latinæ
lectionis, piorum & doctorum Virorum, quibus id negotii de-
deramus, factâ, deprehensum fuit, ut iterum mirari satis &
dolere non possimus Superattendentes, ut se nominant, Evan-
gelicorum in Majori Polonia, eò superbix & audaciæ progres-
sos, ut veteris & vulgatæ Latinæ Bibliorum translationis sibi
censuram assumere ausi fuerint, vel certè plus sapere, melius
linguam Hebræam & Græcam scire, vetustiores & meliores
Bibliorum Hebræos & Græcos Codices habere, quàm SS. Pa-
tres, qui tot sæculis præcesserunt, quàm Luminaria Ecclesiæ,
Hieronymus, Augustinus, Gregorius, & alii, vel dictas lin-
guas scire, vel certiores Codices Bibliorum habere potuerunt,
supràq; ipsam Ecclesiâ, cujus tanta fuit apud S. Augustinum
fides, ut Evangelio non crederet, nisi eum Ecclesiæ commo-
veret autoritas, sapere, & intelligere præsumant. Qui sanè
quod

quod in subsidium sui erroris vel arrogantiae sumunt, se non novam, sed veterem, ut asserunt Brestensem Bibliorum editionem, & translationem iterum edidisse, & recudisse: scire, & meminisse deberent, Brestensia illa Biblia, & à laudatissimis illius temporis Decessoribus nostris Archiepiscopis, & Episcopis Regni Poloniae, & Magni Ducatus Lithvaniae, damnata & reprobata fuisse, & Serenissimo magnae memoriae Regi SIGISMUNDO AUGUSTO, cui in seio dedicabantur, vel potius obtrudebantur, ita displicuisse, ut etiam Diplomate suo, Anno 1568. 8. Octobris, Vilnae dato, summo affectu professus fuerit, se ad defendendam contra Hæreses Religionem Catholicam, Religiosum Ordinem Patrum Societatis Jesu in Regnum Poloniae recepisse. Quorum postea operâ curaque contra hæc Brestensia Biblia, edita fuere autoritate Illustrissimi laudatissimae memoriae Stanislai Karnkowski, Decessoris nostri, Biblia ex vulgata Latinâ translatione in Polonicam linguam translata, bonae memoriae Jacobi Wujek ejusdem Societatis Theologi vocata. Neque est quod superattendentes Evangelicorum, vel quisquis ille sit, autoritatem aliquam Bibliis Gedanensibus additam existimet, quod dedicata sint S.R.M. Domino Nostro Clementissimo; cum sua Majestas primum quidem Illustrissimo D. Episcopo Vilnensi cum is pro sua Pastoralis sollicitudine & vigilantia, de eorundem Bibliorum dedicatione suae Majestati significasset, deinde verò mihi quoque palam, & disertis verbis rescripserit, diserteq; pro Catholici Principis officio professus fuerit, eam Bibliorum dedicationem se in seio contigisse; ac propterea nihil inde autoritatis iisdem Bibliis accedere posse: Scire se, & profiteri, censuram & editionem Bibliorum solius Ecclesiae Romanae esse potestatis; se in Ecclesia Catholica natum, in eadem quoque & vivere, & mori velle. Quocirca laudatissimis Majorum, & decessorum nostrorum Episcoporum Regni, & Magni Ducatus Lithvaniae vestigiis insistendo, qui olim regnante Serenissimo SIGISMUNDO AUGUSTO, magnae memoriae Rege, Brestensium Bibliorum editionem & translationem damnarunt, & anathematizarunt; Nos quoque,

máturo ea de re habito cum Illustriss: DD: & Fratribus ob-
fervandis: Archiepiscopo Leopoliensi & Episcopis Regni &
Magni Ducatus Lithvanix ac multorum virorum doctorum,
& piorum consilio, de eorum quoq; assensu, pro debito Pasto-
ralis Officii nostri providentes, ne ea, quæ sacris Canonibus,
& Fidei Catholicæ adversantur, silentio approbare, vel ad ea
connivere, occasionemq; errandi ovibus nostris præbere vide-
amur: Authoritate nostrâ Metropolitanâ, & Primatiali, ac à
Saero Concilio Tridentino nobis concessa; in Dei Nomine,
omnibus & singulis Christi fidelibus utriusq; sexus, & cujusvis
conditionis Regni Poloniæ & Magni Ducatus Lithvanix in-
colis, & in virtute sanctæ obedientiæ, ac sub Excommunica-
tionis pœna ipso facto incurrendâ, Sediq; Apostolicæ in Cata-
logo librorum prohibitorum, & Bulla Cænæ Domini reserva-
tâ, districtè prohibemus, ne librum hunc Bibliorum, Gedani
in Officina Andreæ Hunefeldi, vel alibi, lingvâ nostrâ impres-
sum, vel alibi recusum, legere, retinere, vendere, seu cuiquam
donare audeant; sed si quis ea habuerit, Parocho, Parochus
verò Episcopo suo quamprimum reddere teneatur. Bi-
bliopolis verò, & Typographis omnibus, sub eadem anathe-
matis, & pecuniæ pœnis, arbitrio Illustrissimorum Episcopo-
rum, quos ut præsentem literas nostras per Parochias publicare
sine mora curent, fraternè rogamus, decernendis, mandamus,
ne prædicta Biblia, vendere, sive de novo imprimere quovis
modo præsumant. Sciantq; Bibliopolæ, & Typographi, se-
quoad impressionem, venditionem, & invectionem librorum,
Illustrissimorum DD. Locordinariorum Jurisdictioni antiqui-
tus esse subiectos, secundum rescriptum Serenissimi olim SI-
GISMUNDI AUGUSTI Regis, Constitutionibus Provinciali-
bus lib: 1. insertum. In cujus rei fidem præsentem manu no-
stra subscriptas, Sigillo quoq; nostro consignari iussimus. Dat:
Lovicii die XXVIII. Mensis Aprilis. M.DC.XXXIV.

De Missis, in die Commemorationis omnium fidelium defunctorum.

C. A. P. U. T. II.

Quia teste Scripturâ, sancta & salubris est cogitatio pro de-
functis

functis exorare, ut à peccatis solvantur: præsens Synodus supplicandum censet S. Sedi Apostolicæ, ut exemplo Regni Valentia, etiam huic nostræ Provinciæ concedere velit, ut die Commemorationis omnium fidelium defunctorum, tres Missas quilibet Sacerdos, prout in Die Natalis Domini, ad libitum celebrare possit.

De Ecclesiis prophanatis & desolatis.

C. A. P. U. T. III.

STatuit Synodus, ut Ecclesiæ à quibusvis, præsertim Hæreticis, prophanatæ; quæ, sufficientem provisionem pro sustentatione Parochi non habent, aliis Ecclesiis uniantur, juxta præscriptum Sac: Conc: Trid: *ses. 21. cap: 5.* & populus cum dote Ecclesiæ tantisper viciniore Parocho adjungatur, quoad recuperatæ, & universali Ecclesiæ restitutæ non fuerint, Cæterum sciant Regulares, ipsis non licere sine licentia, & approbatione speciali Ordinariorum, in Ecclesiis vacantibus, & desolatis, respectu Parochorum Sacramenta administrare, aut illius Parochiæ, seu alterius viciniore, homines, præcipuè tempore Paschatis, Confessiones audire: alias contra facientes ad Juris præscriptum punientur: commendatæ verò Ecclesiæ, juxta juris communis, & Sac: Conc: dispositionem concedantur.

De Processionibus cum Venerabili Sacramento.

C. A. P. U. T. IV.

NE multiplicatio Processionum cum Venerabili Sacramento, loco devotionis, seu majoris Divini cultûs, irreverentiam interdum Divinæ pariat Majestatis: inhibetur omnibus sæcularibus Rectoribus, ne præter Festum Corporis Christi, ejusq; Octavæ dies, quibus processio solennis, modo & ordine in Epistola Pastoralis novissimæ Synodi Decretis inserta, juxta consuetudinem locorum, peragi omninò solet; aliis Dominicis, & Festis diebus, etiam in Processionibus Fraternitatum à Loci Ordinario admissarum, audeant Venerabile Sacramentum extra suam Ecclesiam, vel Cemeterium tantum, processionaliter deferre. Regulares quoq; intelligant, non licere eis, Juribus sic disponentibus, extra sua claustra, & ambitum, seu

Ceme-

Cemeterium, Processiones cum Venerabili Sacramento facere, cum id Jurisdictionem quandam sapiat; consensum verò Dñi Lociordinarii hac in parte suum, se amplius non daturus, nisi ex justa causa, præsentis Decreti vigore promittunt, & cavet.

De Ecclesiarum ingressu.

C A P U T V.

Quia ad Ecclesiam debet esse humilis & devotus ingressus, tum ut securitati Ecclesiarum prospiciatur, & occasio tumultuum præcidatur: interdicat Synodus omnibus cujuscunque status & conditionis hominibus, ne unquam Ecclesias cum bombardis, canibus, & avibus venatoriis, ingredi præsumant, sub poena excommunicationis: cujus notam Parochi in Tabella foribus affigant his verbis: *Huc ingredi nemini licet cum bombardis, sclopetis, canibus, & avibus ad vendendum, sub pena Excommunicationis.*

De Confraternitatibus.

C A P U T VI.

Confraternitates Rosarii præsertim, cum aliquibus Ecclesiis seu Parochiis conceduntur, non debet eas admittere Parochus, nisi prius specialem, uti Juris & consuetudinis est, admissionem à Lociordinario habeat: sub poena arbitraria in contrasacientes decernenda.

De Casibus Reservatis.

C A P U T VII.

Cum ex præscripto Juris communis, & ex præcedenti Synodo Gembiciana, à Sede Apostolica approbata, nec non ex declarationibus Eminentissimorum Cardinalium Sacri Concilii Tridentini Interpretum, constet, Regulares quantumvis exemptos, privilegiatos, & ad audiendas Confessiones secularium approbatos, non posse quempiam absolvere à Casibus Sedi Apostolicæ, & Ordinariis reservatis: ideo Synodus injuriis bonorum Ecclesiasticorum & rapinis obviare volens, notificat inter alios Casus eidem Sedi Apostolicæ reservatos esse; Casus Invasione bonorum Ecclesiasticorum, & exactionis pecuniarum, talliarum, seu collectarum, vecturarum, & aliarum angariarum,

riarum, seu ut vocant, Stationū in bonis Ecclesiæ; nec non occisionis Clericorum, & Presbyterorum, quorum absolutiones Ordinariis, juxta Bullam sanctæ memoriæ Leonis X. committantur: eisdem verò Ordinariis decernit esse reservatos, sub pœna Excommunicationis ipso facto incurrenda, casus eorum qui prohibent, vel impediunt Decimas percipi, & qui diripiunt bona mobilia, sive immobilia, post mortem Parochorum, sive Beneficiatorum: Ideòq; inhibetur omnibus Presbyteris Secularibus, & respectivè Regularibus, sub pœna Excommunicationis, ne in prædictis casibus quempiā absolvere, præterquam in mortis articulo præsumant, sed ut supra remittant. Regulares autem in hisce casibus, & aliis per Decreta Provincialia Synodalia, à Sede Apostolica confirmata, reservatis, absolventes, quomodocunq; & qualicunq; interpretatione facta, etiamsi lis eo nomine in judicio vertatur, sciant se incursum pœnam Excommunicationis ipso facto, nisi specialem à Sede Apostolica habeant facultatem: Ideò ne quis ignorantia se excuset, hic inferere placuit textum in Clem: Religiosi. de Privilegiis. *Religiosi, qui Clericis aut Laicis, Sacramentum Unctionis extrema, vel Eucharistia, ministrare, Matrimonium solemnizare, non habita super his Parochialis Presbyteri licentia speciali; aut qui excommunicatos à Canone, præterquam in Casibus à Jure expressis, vel per Privilegia Sedis Apostolica concessis eisdem, vel à sententiis per Statuta Provincialia aut Synodalia, promulgatis, seu (ut verbis eorum utamur) à pana & culpa absolvere quemquam præsumperint, Excommunicationis incurrant sententiam ipso facto, per Sedem Apostolicam auntaxat absolvendi quos etiam Locorum Ordinarii (postquam de hoc eis constiterit) Excommunicatos faciant publice denunciari, donec de absolutione ipsorum eis fuerit facta fides, nullo Religiosis eisdem super hoc exemptionis, vel alio Privilegio, suffragante.*

De Oratione pro Defunctis.

C A P U T VIII.

Cum totius Ecclesiæ more fiat vespertina pro fidelibus defunctis Oratio: proinde sicut in Synodo Gembiciana decreta

creta fuit; ita ut in omnibus Ecclesiis hora citèiter prima no-
tis, trino pulsu Campanæ, ad eadem Populus exciteretur; præ-
sens præcipit Synodus, conceditq; singulis orantibus Quadra-
ginta dies Indulgentiarum, in forma Juris.

De Communione, tempore Paschali.

C A P I T U L U M IX.

Cum tempus Paschale, à Dominica Palmarum, ad Domini-
cam in Albis, Confessioni, & Communioni fidelium, de
Jure præstitutum, huic Regno, ob paucitatem Sacerdotum,
& multitudinem hominum, in remoris ab Ecclesiis locis com-
morantium, angustum esse expertentia doceat: Supplicat Syno-
dus Sanctæ Sedi Apostolicæ, ut tanquàm benigna Mater filio-
rum suorum saluti consulendo, amplius spatium, hoc est à Do-
minica Passionis, ad Dominicam in Albis inclusivè, ea de cau-
sa prorogare velit.

Ut Synodis, & Comitibus, Episcopi intersint.

C A P I T U L U M X.

Cum plurimum intersit Reipublicæ salutis, & Ecclesiæ Juri-
bus conservandis, ut DD. Archiepiscopi, & Episcopi, Sy-
nodis Provincialibus, Comitibus Regni, & particularibus, Ter-
rarum Conventibus, in quibus etiam de Juribus, & præjudi-
cio Ecclesiarum & Ecclesiasticorum agitur, præsentibus adsint;
quod & respectivè antiquis Constitutionibus Provincialibus,
lib: 5. cap: 8. & recentioribus, videlicet Gembiciana, per Se-
dem Apostolicam confirmatis, cavetur: Ideò poenam mille
marcarum in quemlibet Dominorum Episcoporum, ad præ-
fata loca, & tempora præfixa, venire negligentium, præiens
ampliat & innovat Synodus; salvo legitimo impedimento, ju-
rejurando juxta eadem Statuta Provincialia, coram Illustrissi-
mo D. Archiepiscopo, in recenti probando. Poenæ autem
ejusmodi per Illustrissimum D. Archiepiscopum omnino ultra
alias Juris poenas exigantur, & fabricæ Ecclesiæ Metropolita-
næ applicentur; in reliquo dispositio Dzierzgovii Archiepisco-
pi, *lib: 4.* descripta observetur. Quoniam verò Serenissimus
Princeps CAROLUS FERDINANDUS, Administrator Epi-
scopatus

scopatus Vratislaviensis, ad Synodū præsentē invitatus, per suas ad Illusterrimum D. Archiepiscopum literas, absentiam Capituli, sui excusavit, quòd in exilio manens, commodè ad Synodum venire non potuit: Ideò Synodus iustæ excusationi locum reliquit; ita tamen, ne absentia hac vice indulta Ecclesiæ Vratislaviensi Metropolitano Gnesnensi dudum adjunctæ, quidquam derogat: præsertim cū & ipse Summus Pontifex modernus, illam Ecclesiam Gnesner Suffraganeam, in literis suis, coram Synodo lectis, agnoscat, idemq; ipse Serenissimus CAROLUS in suis quoq; literis non disimiteatur.

De Judicibus Tribunalis Regni.

C A P I T U L U M XI.

Crescente omnium rerum pretio, æquum est, Iudices Tribunalis Regni Ordinis nostri, ampliori stipendio provideri, cujus modum Domini Ordinarii in qualibet Diœcesi inire curabunt; ita tamen, ut omni ex parte stipendium sit moderatum, & omnis avaritiæ labes absit.

De Advocatarum summis pecuniariis.

C A P I T U L U M XII.

UT Sculteriæ, & Advocatiæ, in bonis Ecclesiæ, certis pecuniarum summis oneratæ, quamprimū liberæ ad Ecclesiam redeant, statuitur; ut in Privilegiis de novo super eas concedendis quarta pars summæ principalis detrahatur, ita ut eū ad quartum possessorem venerint, summa totaliter extincta esse censeatur; prout etiam in Scultetiis Regalibus Jure Regni observatur.

De Conservatoribus.

C A P I T U L U M XIII.

Monentur Regulares, quorum aliqui juxta Bullam sanctæ memoriæ Gregorii XV. Conservatores elegerunt, ut alii idem quamprimū faciant: alioquin coram Ordinariis locorum, quamdiu non elegerint, respondere tenebuntur. Eligantur autem in Conservatores illi, qui in Synodis Diœcesanis Iudices ad audiendas causas Apostolicas designati sunt.

C

De Depu.

De Deputatis ex Capitulis. ad Electiones Abbatum mittendis.

C A P U T XIV.

DUdum in Constitutionibus Provincialibus est decretum, & observatum, ut vacante Abbacia, vel Præpositura, Viri graves de gremio Capituli Ecclesiarum Cathedralium mittantur, qui electioni ex causis ibidem expressis intersint. *Cap: Novit: & Cap: Quanto. De his qua fiunt à Prelatis.* Idemq; antea Juris Canonici sanctione firmatum est, ut Abbatum, & Abbatissarum institutiones & destitutiones, cum consilio Capituli, & non aliarum personarum fiant; districtè mandat Synodus id observari; aliter autem factæ electiones, uti Jura disponunt, irritæ sint, & inanes.

De Abbatibus vacantibus.

C A P U T XV.

UT bona Ecclesiastica, post mortem Abbatum, vel Præpositorum, cum suis redditibus & proventibus, integra maneant, ac futuro, prout de Jure, Successori conserventur, nevé à quibusvis diripiantur; statuit Synodus, antiquæ Consuetudini inhærens: ut DD. Locorum Ordinarii post decessum Abbatum, seu Præpositorum, Administratorem ex medio sui Capituli, unâ cum Priore Monasterii, constituent, qui indemnitati eorundem bonorum, etiam immobilium, per defunctum relictorum, prospiciant, de hisq; futuro successori, ad instar Sproviannæ Constitutionis, de Sede vacante, in novissima Synodo à Sede Apostolica approbatæ, rationem reddere teneantur, Raptores autem bonorum, reddituum, & rerum a defuncto relictarum, poenam Excommunicationis ipso facto, contra rapientes bona post mortem intestati Statutis Provincialibus decretam, incursum decernit. Æquum etiam censet Synodus, ut in Abbatiis, & Præposituris commendatis, modus procedendi ad instar anni gratiæ, per Bullam Leonis X. concessi, observetur.

De Taxa Processuum, Tribunalium Episcopali.

C A P U T XVI.

ET si taxa processuum, seu literarum Tribunalis, antiqua
lib: tertia Constitutionum Provincialium sit expressa; eaq;
Consti-

Constitutione Maciejoviana ad duplum augeri jubeatur: Verumtamen omnium rerum in dies valore excrecente, eam ad triplum Synodus ampliari permittit; ac proinde decernit, ne quis Notariorum amplius exigere præsumat, sub poena amissionis Officii.

De Contributione, pro Deputatis Tribunalis Regni, solvenda.

C A P U T XVII.

PLurimum interest, & sæculari, & Regulari Clero, ne Judicia Tribunalis Regni, quæ bonorum Ecclesiasticorum, & victualium Cleri ultima sunt præsidia, intermittantur; cum verò ob absentiam, & non plenum in composito Judicio numerum Deputatorum eadem negligi contingat; propterea, quod solitæ pensiones illis non solvantur: Proinde Synodus præcavens indemnitati bonorum Ecclesiasticorum, ac victui pauperum Sacerdotum, qui ob Judicium Deputatorum absentiam, ad septem, vel decem annos, justitiæ administrationem expectare coguntur, decernit, ut DD. Episcopi Abbatis in Commendam habentes, nec non alii Commendatarii, nullis subterfugiis se tueri possint, quominus coram Locorum Ordinariis, vel Judicibus competentibus, ad pensiones ultra quadraginta annos solvi solitas, & consvetas, jure mediante compellantur: alias eorum causæ in Judicio composito Tribunalis Ecclesiastici non judicabuntur.

De reverentia Divinorum Officiorum.

C A P U T XVIII.

Inhibet Synodus, ne in Ecclesiis quibuscunq; circa Processiones cum Venerabili Sacramento, aut alias adhibeantur tympana, aut tubarum clangores, qui magis castris, quàm Ecclesiæ devotioni accommodati videntur; item explosiones tormentorum bellicorum in Festis circa Octavas Festorum, nullo fructu, sed æmulationis causa fieri solitas; excepto tamen Festo Noctis Resurrectionis Dominicæ, juxta laudabilem locorum consuetudinem,

De Canonizatione.

C A P U T XIX.

Supplicat Synodus S. Sedi Apostolicæ, ut negotium Canonizationis Beatorum, STANISLAI KOSTKA Societatis Jesu, CUNEGUNDIS, & LADISLAI, Ordinis S. Francisci; necnon JOZAPHAT Episcopi, VINCENTII KADŁUBEK, JOANNIS KANTII, Professoris Academix Cracoviensis sua Sanctitas commendatum habeat: ac priusquam solemnitas ea perficiatur Missæ Sacrificium, cum hortis Canonicis, præsertim de Beato CANTIO, & KOSTKA, in Ecclesiis Regni celebrari concedat.

De Decanis Ruralibus.

C A P U T XX.

Quia quod omnes tangit, ab omnibus approbari debet: cum verò Decani Rurales commune Episcoporum, & Archidiaconorum Officium exercent; ideò eosdem Decanos ab Episcopis, & Archidiaconis, communiter eligi debere, sicuti juris est, *Cap: ad hac. in fin: de Offic: Archid:* Synodus declarat.

De Unione Ruthenorum.

C A P U T XXI.

Antistitum Ritûs Græci, & Sacerdotum in Unione S. Ecclesiæ Romanæ permanentium, negotium in proximis Comitibus Regni tractan; DD. Archiepiscopi, & Episcopi, promittunt, ut ipsorum Juribus omninò consulatur, & securitati prospiciatur.

De temerè litigantibus.

C A P U T XXII.

Decet ordinem Sacerdotalem, modestiæ & tranquillitatis studium. Monet ergo serio Synodus personas Ecclesiasticas, ut à litibus multiplicandis sibi temperent, neq; causas, honorem & famam tangentes, cuiquam intendant, sine Episcoporum suorum consilio: cum id etiam vergat in odium statûs Spiritualis, ac Sacerdotum officio aliquos diffamari minime conveniat. Contra facientes, arbitrio Superiorum sciant se esse puniendos.

De Absen-

De Absentibus in presenti Synodo

C A P U T XXIII.

CAutum fuit in proximè præterita Synodo, ut DD Episcopi, Abbates, & qui interesse Synodo debent, omninò ad Synodum venirent, sub pœnis Juris, irremissibiliter in eos decernendis. Cum verò ad præsens plures absint Domini Episcopi, & Abbates, qui varias causas absentiae per suos Nuntios prætendunt, eas diligentius Illustrissimus D. Archiepiscopus ut examinet, Synodus decernit; & quorum excusationes minùs legitimas invenerit, pœna pecuniaria, de consilio duorum DD. Episcoporum Seniorum, sibi viciniorum, puniat, pœnamq; solutam de eorundem consilio, fabricæ Metropolitane Ecclesiæ, juxta Constitutionem Dzierzgovianam, *Lib: IV.* Constitutionum Provincialium, applicet. Cæterum exemplo, & consuetudine Sac: Conc: Trident: & aliarum Synodorum Provincialium, cavet Synodus, nemini in voce dando novum jus quæsitum, aut aliquod præjudicium factum esse.

De Nuntio ad Sanctam Sedem Apostolicam mittendo.

C A P U T XXIV.

AD petendam, obtinendamq; à SS. Dno Nostro, præsentis Synodi confirmationem, nonnullasq; alias gratias ejusdem S.D.N. pro usu & necessitate Provinciæ, designatur Admodum R. D. Stanislaus ZYCHOWIC, J.U.D. Archidjaconus Calissiensis, Præpositus Ravensis.

Acta, lecta, publicata, Anno, Die, Mense, ut supra.

Joannes Węzik, Archiepiscopus Gnesnensis, m pp.

Stanislaus Grochowski, Archiepiscopus Leopoliensis.

Mathias Lubiencki, Episcopus Vladislaviensis & Pomer: m.p.

Stanislaus Lubiencki, Episcopus Płocensis, m.p.

Paulus PiaŹecki, Episcopus Camenecensis, m.p.

Venceslaus Ceynarowicz, J.U.D. autoritate
Apost: publicus, Actorumq; Curie Illustriss:
& Rndiss: D Archiep: Gnesn: superscripti, ac
præsentis Synodi Notarius superscriptus, m.p.

Approbatio.

Nos Fabricius, Tituli Sanctæ Mariæ de Pace, Sanctæ Romanæ Ecclesiæ Presbyter Cardinalis Verospius, nomine Sacra Congregationis Cardinalium, Concilii Tridentini interpretum, fidem facimus, & attestamur, Decreta Synodi Provincialis Gnesnensis hoc libello continere decem, quarum prima incipit, Acta & Constitutiones Synodi Provincialis Gnelnensis; ultima vero desinit, Domini Archiepiscopi Gnesnensis superscripti, ac præsentis Synodi Notarius, &c: fuisse, ut supra ab eadem Sacra Congregatione Concilii emendata, recognita, atq; approbata; eorundemq; Decretorum Originale, apud eandem Sacram Congregationem remansisse; adjecta tamen declaratione, ut quæ obtinenda sunt à Sanctissimo Domino Nostro, pro non appositu, à Sacra Congregatione, non approbati habeantur, nulliusq; effectus & roboris existant, nisi & donec cum effectu, à Sua Sanctitate obtineantur. In quorum fidem, his propria manu subscripsimus, & ab infra scripto eiusdem Sacra Congregationis Secretario subscribi, Sigilliq; nostri impressione muniti mandavimus. Dat: Roma, die prima Septemb: 1635.

F. Cardinalis Verospius.

Locus Sigilli.

Franciscus Paulucius S.C.C. Secr:

Sequuntur Brevia Apostolica, & Decreta, Episcopos, & Clerum Regni Poloniae, ac Magni Ducatus Lithvaniae, concernentia.

B R E V I E
De Reductione Missarum.
U R B A N U S P P. VIII.

Ad futuram rei memoriam.

CUM sicut accepimus, redditus foundationum, & legatorum antiquorum, Ecclesiis Regni Poloniae, à diversis personis, cum onere certam Missarum quantitatem celebrandi, seu celebrari faciendi, relictorum, ad praesens oneri hujusmodi adimplendo non sufficiant, eo quòd monetæ valor plurimùm auctus sit, & præterea ob pestem, & alias Regni præfati calamitates, Sacerdotum ejusdem Regni numerus adeò imminutus sit, ut illi qui supersunt, tot Missis celebrandis impares sint: Nos in præmissis, quantum ab alto conceditur. provideri cupientes, Apostolicâ auctoritate, tenore præsentium, concedimus; ubi in dicto Regno, post Sacri Concilii Tridentini publicationem, non fuit in aliqua Synodo facta reductio Missarum hujusmodi; ea in prima Synodo; juxta Sacri Concilii Tridentini præfati formam, fieri possit; etiamsi illa non

sit pri-

fit prima Synodus celebrata post ejusdem Sacri Concilii Tridentini publicationem. Non obstantibus præmissis, ac quibuscunq; Testatorum, & aliorum voluntatibus, ac Constitutionibus, & Ordinationibus Apostolicis, cæterisq; contrariis quibuscunque. Dat: Romæ, apud Sanctam Mariam Majorem, sub Annulo Piscatoris, Die XXVI. Novembris. M.DC.XXXIV. Pontificatûs Nostri Anno Duodecimo.

M. A. Maraldus.

B R E V E

De Communione tempore Paschali.

U R B A N U S PP. VIII.

Ad futuram rei memoriam.

Exponi Nobis nuper fecerunt Venerabiles Fratres, Archiepiscopi, & Episcopi Regni Poloniæ, quòd in eodem Regno progressu temporis usus invaluit, ut quilibet, ad id tamen aptus & idoneus, singulis annis, ad minùs duodecim dierum spatio, nempe à Feria quinta in Cœna Domini, usq; ad diem Dominicam in Albis inclusivè, confessus, ac Sacra Communione refectus esse debeat: cujus quidem temporis brevitatis in causa fuit, ut ob numerosum dicti Regni populum, ac Sacerdotum ibidem partim contagio, partim verò aliis infirmitatibus defunctorum defectum, multi præmissa, spatio duodecim dierum hujusmodi, peragere non potuerint. Quare dicti Archiepiscopi, & Epi-

& Episcopi, Nobis humiliter supplicari fecerunt, ut super præmissis opportunè providere de benignitate Apostolicâ dignaremur: Nos igitur Christi fidelium, ejusdem Regni animarum saluti, quantum cum Domino possumus, consulere volentes, hujusmodi supplicationibus inclinati; eisdem Archiepiscopis, & Episcopis, per præsentem committimus, & mandamus, ut eorum arbitrio, attentâ Sacerdotum penuriâ, hujusmodi Christi fidelibus utriusq; sexûs, dicti Regni, ad id tamen aptis, & idoneis, tempus à Dominica Passionis, usq; ad Hebdomadam post Dominicam in Albis immediatè sequentè inclusivè, quo durante, peccata sua confessi, ac Sacra Communionem refecti esse debeant, & teneantur, auctoritate Nostra, concedant, & respectivè prorogent. Non obstan: præfata consuetudine, cæterisq; contrarium facientibus quibuscunque. Dat: in Arce Gandulphi, Albanen: Diœc: sub Annulo Piscatoris, Die XXVI. Octobris. M.DC.XXXIV. Pontificatus Nostri Anno Duodecimo.

M. A. Maraldus.

B R E V E

De Foro in Criminalibus.

U R B A N U S P P. VIII.

Ad futuram rei memoriam.

Singularia, atq; eximia, Charissimi in Christo Filii Nostri, VLADISLAI, Poloniæ & Syecia Regis Illu-

D i s t r i s,

stris, in Nos, & hanc Sanctam Sedem, fidei & devo-
tionis merita, ac præcipuus, quo eundem VLADISLA-
UM Regem complectimur, paternæ charitatis affectus,
promerentur; ut quæ ad prosperum, felicemq; Christi
fidelium in Regno Poloniæ existentium statum, &
quietem, pertinere dignoscuntur, quantum cum Do-
mino possumus, favorabiliter concedamus. Supplica-
tionibus itaq; dilecti filii Nobilis viri, Georgii Ossol-
inski, Comitis de Teczyn, ejusdem VLADISLAI Re-
gis Oratoris, Nobis super hoc humiliter porrectis, in-
clinati: Quòd de cætero in præfato Regno Poloniæ,
Causæ Criminales in prima instantia cognoscantur ab
Ordinariis Locorum; in secunda à Metropolitano; in
tertia à dilecto filio moderno, & pro tempore exis-
tente in dicto Regno Poloniæ Nuntio; in reliquis in-
stantiis, etiam restitutionis in integrum, & in secunda
instantia, quando Metropolitanus uti Ordinarius in
prima instantia cognoscit, committantur Causæ appel-
lationum, nullitatum, per signaturam Justitiæ, intra
certum tempus, vel in partibus, alicui ex Episcopis,
vel Suffraganeis in eodem Regno pro tempore existen-
tibus, quos omnes pro hujusmodi Causis Criminalibus
cognoscendis, & terminandis, habilitamus Apostolicâ
authoritate; tenore præsentium, concedimus, & indul-
gemus. Decernentes præsentis literas validas, firmas
& efficaces existere, & fore, suosq; plenarios & inte-
gros effectus sortiri, & obtinere, ac omnibus & sin-
gulis, ad quos spectat, & pro tempore spectabit, in-
violatè

violabiliter observari: sicq; per quoscunq; Judices Ordinarios, & delegatos, etiam Causarum Palatii Apostolici Auditores, judicari, & diffiniri debere; ac irritum & inane, si secus super his à quoquàm, quavis authoritate, scienter, vel ignoranter, contigerit attentari. Non obstantibus quibusvis Constitutionibus, & Ordinationibus Apostolicis, ac quarumcunq; Ecclesiarum, etiam juramento, confirmatione Apostolica, vel quavis firmitate alià roboratis Statutis, & Consuetudinibus; Privilegiis quoq; Indultis, & literis Apostolicis in contrarium quomodolibet concessis, confirmatis, & innovatis. Quibus omnibus & singulis, eorum tenores præsentibus pro sufficienter expressis habentes, illis alias in suo robore permansuris, hac vice duntaxat, specialiter, & expresse derogamus, cæterisq; contrariis quibuscunq;. Dat: Romæ apud S. Petrum., sub Annulo Piscatoris, die V. Januarii. M.DC.XXXIV. Pontificatus Nostri Anno undecimo.

M. A. Maraldus?

B R E V E

De Decimis.

URBANUS PP. VIII.

Ad futuram rei memoriam.

CUM sicut dilectus filius, Nobilis Vir Georgius Ossolinski, Comes de Tęczyn, Charissimi in Christo Filii Nostri VLADISLAI, Poloniæ & Sveciæ Regis Illustris,

Dz

lustris,

lustris, ad Nos, & Apostolicam Sedem Orator, Nobis
nuper exponi fecit, diversæ controversiæ, lites, & dif-
ferentiæ, inter Ecclesiasticos & Nobiles Regni Poloniae
occasione solutionis decimarum, sæpè oriantur: Nos
litibus, differentiis, & controversiis hujusmodi, quan-
tum cum Domino possumus, obviam ire, paciç; &
quieti Ecclesiasticorum, & Nobilium præfatorum, con-
sulere volentes, supplicationibus dicti Georgii Comitis,
& Oratoris, nomine ejusdem VLADISLAI Regis,
Nobis super hoc humiliter porrectis, inclinatis; Vene-
rabilibus Fratribus, Archiepiscopis, & Episcopis, dicti
Regni Poloniae, tenore præsentium, committimus, &
mandamus ut compositiones per Ecclesiarum Recto-
res, & Laicos faciendas, super quantitatem Decima-
rum confirmet, vel illas approbent de consensu Re-
ctorum; & ubi non adest illorum consensus, etiam si
agatur de novalibus, Ordinarius assumptis duobus de
suo Capitulo, unà cum illis, Causam, & Causas, super
compositione facienda cognoscat, ac terminet appella-
tione remotâ, ubi Decimæ quolibet annò non exce-
dunt, florenos quinquaginta in valore earum: & qua-
tenus excederent dictum valorem, tunc semel appel-
lare liceat, & Appellatio per Metropolitanum, assump-
tis pariter duobus de suo Capitulo, cognoscatur, &
terminetur. Quatenus verò Metropolitanus esset Or-
dinarius, tunc appellatio cognoscatur, & terminetur
per Nuntium Apostolicum in eodem Regno commo-
rantem; & quatenus primæ instantiæ ab eodem Nun-
tio co-

rio cognoscerentur, tunc à sententiis dicti Nuntii appellationes, nullitates, ac in integrum restitutiones committantur per eundem Nuntium alteri Episcopo ejusdem Regni, qui pariter assumptis duobus de suo Capitulo, insimul cognoscant, & terminent. Quòd si contentio erit inter aliquem Episcopum, & Nobilem, seu Nobiles; tunc Causa cognoscatur per Metropolitanum assumptis, pariter duobus de suo Capitulo: Si verò erit inter Metropolitanum, ac Nobilem, seu Nobiles, tunc causa spectet ad Nuntium pro compositione de partium consensu facienda, aliàs via Juris terminanda, ut supra. Decernentes præsentis literas, validas, firmas, & efficaces existere, & integros effectus sortiri, & obligare, ac ab omnibus & singulis, ad quos spectat, & pro tempore spectabit, inviolabiliter observari: irritumq; & inane, quidquid secus super his à quoquàm, quavis autoritate, scienter, vel ignoranter, contigerit, attentari. Non obstantibus quibusvis Constitutionibus & Ordinationibus Apostolicis, ac quarumcunq; Ecclesiarum, etiam juramento, confirmatione Apostolica, vel quavis firmitate alia roboratis Statutis, & Consuetudinibus; Privilegiis quoq; Indultis & literis Apostolicis, in contrarium quomodolibet concessis, confirmatis, & innovatis. Quibus omnibus & singulis, eorum tenores, præsentibus pro sufficienter expressis habentes, illis aliàs in suo robore permansuris, hac vice duntaxat, specialiter, & expresse derogamus, cæterisq; contrariis quibuscunq; Dat: Romæ apud S. Mariam

Mariam Majorē, sub Annulo Piscatoris, die XXVII. 9bris,
M.DC.XXXIV. Pontificatūs Nostri Anno Duodecimo,
D E C R E T U M.

Ne Religiosi bona stabilia emant.

Sanctissimus D. Noster URBANUS. Divinā Providen-
tiā PP.VIII. salubri Regulariū regimini piā sollicitu-
dine intendens, ex legitimis causis animum suū moven-
tibus, sub poenis arbitrio Sanctitatis suæ reservatis, man-
dat Præposito Generali Soc: Jesu, Generali Ord: Præd:
Gñrli Ord: Carmel: Gñrli Ord: Cisterc: ut præcipiat, ac
intra tres Menses præcepisse doceat, omnibus & singulis
Provincialibus, Rectoribus, & quibuscunq; aliis superio-
ribus, de Societ: per Regnū Poloniæ, & M.D.Lithvaniæ,
constitutis, ne sub poena suspensionis à Divinis, privatio-
nis omniū Officiorū quæ tunc obtinebunt, vocisq; acti-
væ & passivæ, ac perpetuæ inhabilitatis ad illa in perpe-
tuum obtinenda, ipso facto, absq; alia declaratione, in-
curreñt: ac aliis arbitrio Sanctitatis suæ ferendis, bona
stabilia emere, vel titulo permutationis acquirere aude-
ant, vel præsumant, in dictis Regno, & Ducatu, nisi eo-
demmet Generali consulto, & expressa illius obtenta li-
centiā. Eundem verò Generalē ad hujusmodi concessio-
nem non devenire, nisi eodem Sanctissimo Romano Pon-
tifice, vel Sacrà Congregatione Cardinalium, Concilii
Tridentini Interpretum, prius assentiente.

Ex eodemmet Originali, præsens copia, est per me Notarium pu-
blicum, ac Curix Caus: Illustriss: ac Reverendiss D. Nuntii Aposto-
lici in Regno Poloniæ, diligenter exarata. In cujus fidem & testimo-
nium, meā propriā manu subscripsi, Sigilloq; ejusdem Illustrissimj com-
muni. Dat: Varsaviæ, Die XXXI. Mensis Januarii M.DC.XXXVI.

Ita est. Alexander Barnabam, Not. Caus. m.p.

*Littera Eminentissimi Cardinalis Barberini, in Causa eadem,
ad illustrissimum D. Nuntium Apostolicum scripta.*

SANCTISSIMUS D. Noster URBANUS, Divinâ Providentiâ Papa VIII. Salubri Regularium regimini piâ sollicitudine intendens, ex legitimis causis animum suum moventibus, sub poenis arbitrio Sanctitatis Suae reservatis, mandat Præposito Generali Soc Jesu, ut præcipiat, ac intra tres Menses præcepisse doceat, omnibus & singulis Provincialibus, Rectoribus, & quibuscunq; aliis Superioribus dicti Ordinis, per Regnum Poloniæ, & Magnum Ducatum Lithvaniæ constitutis; ne sub poena suspensionis à Divinis, privationis omnium Officiorum quæ tunc obtinebunt, vocisq; activæ & passivæ, ac perpetuæ inhabilitatis ad illa in posterum obtinenda, ipso facto, absq; alia declaratione, incurrenda, ac aliis arbitrio Sanctitatis suæ ferendis bona stabilia emere, vel titulo permutationis acquirere audeant, vel præsumant in dictis Regno, & Ducatu, nisi eodemmet Generali consulto, & expressa illius obtentâ licentiâ. Eundem verò Generalem ad hujusmodi licentiam non devenire, nisi eodem Sanctissimo Romano Pontifice, vel Sacrà Congregatione Cardinalium, Concilii Tridentini, Interpretum, prius assentiente.

A latere earundem literarum scriptum.

Generali Ordinis Predicatorum.

Generali Ordinis Carmelitarum.

Generali Ordinis Cisterciensium.

Respon-

Responsum Sacrae Congregationis, in Causa translationis Festorum tempore Messu.

Episcope Regni Poloniae supplicarunt, pro licentia transferendi Festa occurrentia in Mensibus, Julii, Augusti, & Septembris; exceptis tamen Visitationis; & Assumptionis B. Virginis, necnon Festis Apostolorum, in dies Dominicos, Mensium Octobris & Novembris ob fruges omnis generis, tam demetendas, & recolligendas, quam recollectas injuriæ temporis expositas, cum operarii in illis partibus Festivis diebus ab operibus omnino abstinere intendant. Et Sacra Rituum Congregatio respondit: Festa nullo modo esse transferenda; posse autem concedi, ut imminente necessitate ob fruges recolligendas, seu recollectas, Episcopi dispensare possint quoad operarios, non obstantibus diebus Festivis. Die XXI. Januarii, 1634.

C. Episcopus Boronen: Card: Pius,

Julius Ro'pignolus Secret

De mandato Illustrissimi ac Reverendissimi Domini D. JOANNIS WEZYK, Dei & Apostolicæ Sedis Gratia Archiepiscopi Gnesnensis, Legati Nati, Regni Poloniae Primatis, Primig, Principis: Brevia & Decreta superscripta, ex suis Originalibus descripta, per me Notarium infrascriptum, sunt collationata, ac Sigillo ejusdem Illustrissimi communita, in fidem & testimonium premissorum.

*Ita est. Venceslaus Ceynzrowicz, J. U. D.
Sacra author: Apost: publicus, Actorumq; Curia superscripti Illustris: D.
Archiep: Notarius. m. p.*

u-
&
m,
ris
lli-
as,
ri-
m-
se-
ate
di-
die-

cret
NIS
nfr,
&
tari-
com-

U.D.
Acto-
is: D.

1825a

